

Das sechste



Werich ist genant mit ey-
nem anderen namen wed-
ders zünge. vñnd ist koldt
vñnd trocken. Ier bletter
trocken engen. zü huff zyben dy wunt-
den vñnd geswer. vñnd spricht dyasco-
rides das dar zü nichts bessers ist. vñnd
das wirt glych wunder zü sehen Wer
do trincket das safft von dreyen syner
wurzeln mit dreyen vncien wynes zü
dickem mol. der vortribet den dry teg-
lichen fröern Wer de trinckt vñ vier
wurzeln mit vier vncie wyns der vor-
tribet den vierteglichen. Auch spucht
er das wunden gebysen von wünten /
den hunden geheylet werden mit dem
samt oder kruit Auch hilfft es den was-
ser suchigen. Es widerstat de gifft.
Ier safft tödet dy spül worme. Er still-
let den durchgang vñnd scawen zyt.
Von syner krafft werden alle geswer
vñnd geswolft nyder gesatzt. wann zü
hant dyß kruit worde dar vff gelägt.
Vñnd mercke alhye das dye genante

sydunge vñnd plasterunge vff dy ge-
swer sol zü erste gescheen so wircket sy
geschehe es aber mit züm ersten. wer
es keyne oder cleyne hulffe Es macht
auch das zan fleysch reine vñnd das
blätige vñnd zü woollene vortribet es
oder machet es dem anderen glych.

Von Wermut



Wermut ist warm ymerste
vñ trocken im zweyde grad
vñ hot zweyerley krafft dy
eynander wider syn. also
zü weyche vñ vohartē. Dy erste hot
er vñ syner wirme. dy ander vñ grob-
keit syner substācia vñ syner bitterkeit
Dar vmb sol mā yn nit innemē byß
dy materia den sychtū machende sy
erlicher moß gedawet. Er sol gesamt
melt werde zü halbem meye vñnd am
schate gedereet. Widd dy worme der
vnderste gedeme sol mā yn gebē das
kruit gestossen mit puluer von tusent
guldyn. oder mit phyrskern puluer.